

## **Inatsisissatut siunnersuummut oqaaseqaatit**

### **Oqaaseqaatit nalinginnaasut**

#### **1. Inatsisissatut siunnersuutip tunngavia**

Saarullit, kullerit, saarulliusaat aamma suluppaakkat isumalluutininik atuinermi akiliummik akitsuuserneqartalernissaat kiisalu aalisakkat ikerinnarsiortut akitsuutaata atuuttup Tunumi aalisarnermi pisarineqartunuinnaq atuukkunnaarluni, aammali nunat allat aalisarnikkut oqartussaaffigisaanni aalisarnermi aamma nunat tamat imartaanni aalisarnermi pisarineqartunut atuuttussanngortinneqarnissaa siunnersuutikkut atuutilersinneqassaaq. Allanguutit marluullutik siunertaraat inuiaqatigiit, tamattaalluta aalisakkanit pisuussutitsinnit iluanaarutininik amerlanerusunik pissarsinissaannik qulakkeerinissaq.

Aalisarnerup isumalluutininik atuinermi akiliummik akitsuusiiffigineqartalernissaa Akileraartarneq Atugarissaarnerlu pillugit Isumalioqatigiissitap 2011-mi isumaliutissiissummini inassutigaa. Inassuteqaatit Aalisarneq pillugu Ataatsimiititaliarsuup 2009-mi isumaliutissiissutaanik aamma Benchmarkingsudvalgip (Kalaallit Nunaanni akileraaruseeriaaseq akitsuuseeriaaserlu pillugit nunanut allanut sanilliuksilluni nalunaarusiortup) 2003-mi nalunaarusiaanik tunngaveqarput. Isumalioqatigiissitaq isumaqarpoq aalisagaativut tassaasut pinngortitap pissarititai inuiaqatigiit pigisaat.

Pinngortitap pissarititaanik atuineq aningaasarsiornikkut sapinngisamik tunngavigissaartumik, siunissarlu ungasinnerusoq eqqarsaatigalugu inuiaqatigiit ataatsimut isigalugit aningaasarsiornikkut pissarsissutaanerusumik pisariaqarpoq. Angusaqarfiulluurtumik aalisarneq isumalluutinit iluanaaruteqarfiunerussaaq. Inuiaqatigiit isumalluutinit iluanaarutit ilaannik naammaginarutunik pissarseqataassapput, tassa isumalluutininik atuinermi akitsuutitigut.

Avataasiorluni raajarniarneq, avataasiorluni aamma sinerissamut qanittumi qaleralinniarneq aamma aalisakkat ikerinnarsiortut ilaannik, matumani aamma ammassassuarnik, ammassanik avaleraasartuunillu Tunumi aalisarneq maannakkut akitsuusersugaapput. Akitsuusersuinerup aammattaaq aalisakkat aningaasarsiornermi soqutiginaatillit allat ilaannut, soorlu saarullinnut, suluppaakkanut, kulleritut saarulliusaanullu atuutilersinneqarnissaa eqqortuusorineqarpoq, tamarmiulluta aalisakkanit pisuussutitta ilaannik taakkuninnga aalisartut atuinerminnut, allanik aalisartut pineqarnerattuulli akiliisussanngorlugit.

Ilutigisaanillu aalisakkanik ikerinnarsiortunik aalisarnermi akitsuutip ammassassuarnik, ammassanik avaleraasartuunillu aalisarnermut atuuttup Tunup imartaanni aalisarnerinnarmut atuukkunnaarluni, aammali nunat allat aalisarnikkut oqartussaaffigisaanni nunallu tamat imartaanni aalisarnermut atuuttussanngortinneqarnissaa eqqortuusorineqarpoq.

Pineqartunik aalisarnerup isumalluutininik atuinermi akiliummik akitsuusiiffigineqarnissaq nammassinnaassagaa nalilerneqarpoq.

## 2. Siunnersuutip imarisai pingaarnert

Inatsisissatut siunnersuutip kingunerissavaa suliffeqarfiit imaluunniit inuit avataasiorluni saarullinniarnissamut, kullererniarnissamut, saarulliusaarniarnissamut suluppaagarniarnissamul-  
luunniit pisassinneqarsimasut pisaminnit akitsuummik kiilumut 0,55 kr.-inik landskarsimut akiliisussangornissaat.

Akitsuummik akiliisussaatitaaneq, aalisakkanut allanut inatsimmi pineqartunutuulli atuutilis-  
saaq piffissami pisarineqarfianni.

Ilutigitillugu siunnersuutigineqarpoq aalisakkat ikerinnarsiortut ilaannik akitsuusersuinerup  
maanna atuuttup aammattaaq nunat allat aalisarnikkut oqartussaaffigisaanni aammalu nunat  
tamat imartaanni aalisarnermi atuutilersinneqarnissaa. Tamatumani eqqarsaatigineqarpoq nu-  
natsinneersut ammassassuarnik ammassanillu aalisarnerisa ilarujussua nunat allat isumaqati-  
giissuteqarfiginerisigut nunat allat aalisarnikkut oqartussaaffigisaanni pisarmat.

Allannguutitigut isertinneqartussat 18 mio. kr.-it missaanniissangatinneqarput.

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertai atuuttut</i>	<i>Inatsisissatut siunnersuut</i>
	<p style="text-align: center;"><b>§ 1</b></p> <p>Qalerallit avaleraasartuullu avataasiorluni aalisar- nermi pisarineqartut akitsuutaat pillugit Inatsisar- tut inatsisaanni nr. 11, 3. december 2012-imeersu- mi, Inatsisartut inatsisaatigut nr. 9, 29. november 2013-imeersukkut, Inatsisartut inatsisaatigut nr. 10, 8. juni 2014-imeersukkut, kingullermillu Inat- sisartut inatsisaatigut nr. 35, 9. december 2015- imeersukkut allanngortinneqartumi makku allan- nguutigitinneqarput:</p>
Qalerallit akitsuutaat aamma aalisakkat ikerin- narsiortut ilaasa Tunumi aalisarnermi pisarine- qartut akitsuutaat pillugit Inatsisartut inatsisaat.	<p><b>1.</b> Inatsisip taaguutaa ima oqaasertaqassaaq: ”Qalerallit aamma aalisakkat allat ilaasa akitsu- taat pillugit Inatsisartut inatsisaat.”</p>

<p><b>§ 1</b></p> <p><i>Imm. 1.</i> Qalerallit Kalaallit Nunaata aalisarnikkut oqartussaaffigisaani nunallu allat aalisarnikkut oqartussaaffigisaanni aalisarneqartut aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat inatsimmi matumani aalajangersakkat naapertorlugit akilerneqassapput.</p>	<p><b>2.</b> § 1, imm. 1, ima oqaasertaqassaaq:</p> <p>”Qalerallit aamma aalisakkat allat ilaasa Kalaallit Nunaata aalisarnikkut oqartussaaffigisaani, nunat allat aalisarnikkut oqartussaaffigisaanni imaluunniit nunat tamat imartaanni aalisarneqartut akitsuutaat inatsimmi matumani aalajangersakkat naapertorlugit akilerneqassapput.”</p>
	<p><b>3.</b> § 1, imm. 2. ima oqaasertaqassaaq:</p> <p>” Kalaallit Nunaata oqartussaaffigisaani, Naalakkersuisut nunanik allanik imaluunniit nunat tamat oqartussaataitanik alisangassiissutit pillugit isumaqatigiisuutit malillugit aalisarneq inatsimmi matumani ilaatinneqanngilaq.”</p>
	<p><b>4</b> § 2-mi, imm. 2-p kingorna nutaatut ikkunneqassaaq:</p> <p>”Imm. 3. Imm. 1-imi taaneqartuni pisoqartillugu pisat umaatillutik oqimaassusaat atorlugu akitsuut naatsorsorneqassaaq.”</p>
<p>Aalisakkat ikerinnarsiortut ilaasa Tunumi aalisarnermi pisarineqartut akitsuutaat.</p>	<p><b>5</b> § 3-p kingorna §3b-llu sioqqullugu quliquaq perneqarpoq, aalajangersakkallu taakku akornanniittut atorunnarsinneqarlutik. Taarsiullugu ikkunneqassapput:</p> <p>“Aalisakkat ikerinnarsiortut ilaasa akitsuutaat”</p>
<p><b>§ 3 a.</b> Aalisakkat ikerinnarsiortut ilaasa Tunumi aalisarnermi pisarineqartut akitsuutaat, angallatinut Kalaallit Nunaanni angerlarsimaffeqartutut aamma Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasunut tunngatillugu angissuseqarput: 1) Ammassassuaq, a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoq .....kiilumut 0 kr. 25 øre. b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq .....kiilumut 0 kr. 80 øre. 2) Ammassak,</p>	<p>”§ 3 a. Suliffeqarfiit imaluunniit inuit aalisakkat ikerinnarsiortut ilaannik Tunumi, nunat allat aalisarnikkut oqartussaaffigisaanni imaluunniit nunat tamat imartaanni aalisarnissamut pisassinneqarsimasut landskarsimut akitsuummik akiliissapput. Akitsuutit, angallatinut Kalaallit Nunaanni angerlarsimaffeqartutut aamma Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasunut tunngatillugu angissuseqarput: 1) Ammassassuaq, a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoq .....kiilumut 0 kr. 25 øre. b) angallat Danmarkimi, Savalimmiuni nunaniluunniit allani angerlarsimaffeqartutut nalunaar-</p>

<p>a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoq ..... kiilumut 0 kr. 15 øre.</p> <p>b) angallat Danmarkimi, Savalimmiuni nunani-luunniit allani angerlarsimaffeqartutut nalunaarsorneqarsimasoq atorlugu pisarineqartoq .....kiilumut 0 kr. 70 øre.</p> <p>3) Avaleraasartooq,</p> <p>a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoq ..... kiilumut 0 kr. 95 øre.</p> <p>b) angallat Danmarkimi, Savalimmiuni nunani-luunniit allani angerlarsimaffeqartutut nalunaarsorneqarsimasoq atorlugu pisarineqartoq .....kiilumut 1 kr. 50 øre.”</p>	<p>sorneqarsimasoq atorlugu pisarineqartoq ..... .....kiilumut 0 kr. 80 øre.</p> <p>2) Ammassak,</p> <p>a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoq ..... kiilumut 0 kr. 15 øre.</p> <p>b) angallat Danmarkimi, Savalimmiuni nunani-luunniit allani angerlarsimaffeqartutut nalunaarsorneqarsimasoq atorlugu pisarineqartoq .....kiilumut 0 kr. 70 øre.</p> <p>3) Avaleraasartooq,</p> <p>a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoq ..... kiilumut 0 kr. 95 øre.</p> <p>b) angallat Danmarkimi, Savalimmiuni nunani-luunniit allani angerlarsimaffeqartutut nalunaarsorneqarsimasoq atorlugu pisarineqartoq .....kiilumut 1 kr. 50 øre.”.</p> <p><i>Imm. 2. Aktie- imaluunniit anpartsselskabi Kalaallit Nunaanni anglersimaffilik angallammik Danmarkimi, Savalimmiuni imaluunniit nunani allani angerlarsimaffilimmik angallatip naalagaanik, maskinmesterianik imaluunit marluutillugit tamaallat inuttalerlugit attartortut, angallatit Kalaallit Nunaani angerlarsimaffillit akitsuutinut akiliisussaaneeri malillugit akitsuutinut akiliissapput.</i></p> <p><i>Qalerallit sinerissap qanittuani aalisarnermi pisarineqartut akitsuutaat.”</i></p>
	<p><b>6. § 3 b-p</b> kingornagut qulequtaq ima oqaasertaqassaaq:</p> <p><i>”Saarullit, kullerit, saarulliusaat aamma suluppaakkat akitsuutaat”</i></p>
	<p><b>7. Qulequttap</b> nutaap kingornagut ilanngunneqassaaq:</p> <p><b>”§ 3 c.</b> Suliffeqarfiit imaluunniit inuit avataasiorluni aalisarnermi saarullinniarnissamut, kullererniarnissamut, saarulliusaarniarnissamut imaluunniit suluppaagarniarnissamut pisassinneqarsimasut akitsuummik kiilumut 0,55 kr.-iusumik akiliissapput.”</p>

	<p><b>8</b> § 3c-p nutaap kingorna qulequtaq nutaaq ikunneqassaaq:</p> <p style="text-align: center;"><i>”Akitsuutip naatsorsorneqarnera akilerneqarneralu”</i></p>
<p>§ 4, imm. 2 aamma 3</p> <p><i>Imm. 2.</i> Suliffeqarfiit aamma inuit akitsuummik akiliisussaatitaasut § 3, imm. 1-imi aamma § 3 a-mi taaneqartut akitsuutip naatsorsornissaanut akitsuutillu eqqortumik akilerneqarnissaanik nakkutilliinissamut tunngavigineqarsinnaasunik naatsorsuusiussapput.</p> <p><i>Imm. 3.</i> Suliffeqarfiit aamma inuit akitsuummik akiliisussaatitaasut § 3, imm. 1-imi aamma § 3 a-mi taaneqartut akitsuusiussat taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmut nalunaarutigalugillu akilissavaat</p>	<p><b>9.</b> § 4, imm. 2-mi 3-milu allassimasoq ”§ 3, imm. 1 aamma § 3 a” allanngortinneqassaaq ima: ”§ 3, imm. 1, § 3 a aamma § 3 c”.</p>
<p><b>§ 8.</b> § 1, imm. 1-imi, § 3, imm. 1-imi, § 3 a, imm. 1-imi, § 3 b-mik, § 4, imm. 2-mik 3-milluunniit, § 4 a, imm. 1-imi 2-millu piaaraluneerluni mianersuaalliorujussuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qularnaveeqqusiinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulerinermik inatsimmi maleruagassat naapertorlugit pineqaattissinermik kinguneqarsinnaavoq</p>	<p><b>10.</b> § 8, <i>imm. 1</i> ima oqaasertaqassaaq: § 1, imm. 1-imi 2-millu, § 3, imm. 1-imi, § 3 a, imm. 1-imi, § 3 b-mik, § 3 c-mik, § 4, imm. 2-mik 3-milluunniit, § 4 a, imm. 1-imi 2-millu piaaraluneerluni mianersuaalliorujussuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qularnaveeqqusiinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulerinermik inatsimmi maleruagassat naapertorlugit pineqaattissinermik kinguneqarsinnaavoq.”</p>
	<p><b>§ 2</b></p>

	Inatsisartut inatsisaat 1. januar 2017-imi atortuulissaaq.
--	--

### **3. Pisortanut aningaasatigut allaffissornikkullu sunniutissai**

Siunnersuutip ilanngaatisat ilanngaatigineqartinnagit landskarsimut ukiumut katillugit 18 mio. kr.-inik isertitaqaataasarnissaa naatsorsuutigineqarpoq. Saarulliit, kullerit, saarulliusaat suluppaakkallu akitsuusiineq iluanaarutininik 15 mio. kr.-inik annertunerulersitsinissaa ilimagineqarpoq, akitsuusersukkanullu ammassassuit ammaasaallu ilanngunneqarnerinit luanaarutininik 3 mio. kr.-inik annertunerulersitsinissaa ilimagineqarluni.

Selskabit sinneqartoorutaasa tamarmiusut aammalu inuttat akissarsiaasa akitsuutip taamaaqataanik ikileriarnissaat naatsorsuutigineqarpoq. Tamanna, inuit akileraarutaat aamma iluanaarutisianit akileraarutit katillugit 42 pct.-imik akileraarutitigut naleqartillugit naatsorsoraanni akileraarutitigut akilerneqartussat 7,6 mio. kr.-inik ikileriarnernannik kinguneqassaaq.

Akitsuummumut atatillugu allaffissornermi nakkutilliinermut aningaasartuuteqarnerulernissaaq Akileraartarnermut Aqutsisoqarfiup naatsorsuutigaa, tassa akiligassiinermut akiliisitsiniarnernullu il.il.

### **4. Inuussutissarsiutinik ingerlataqartunut aningaasatigut allaffissornikkullu sunniutissai**

Siunnersuut inunnut suliffeqarfinnullu inatsisissatut siunnersuummi pineqartunut aningaasatigut sunniuteqassaaq, umiarsuaatileqatigiiffiimmi aammalu nunanut allanut nioqqutissiortut sinneqartoorutaat tamarmiusut akitsuutinut akissarsiarititanullu aningaasartuutaanerusussannik ikilisinneqartussaammata.

Akitsuutip ilaata inuttanit akilerneqarnissaa naatsorsuutigineqarsinnaavoq, tassa pisat naapertorlugit akissarsisiteriaatsip kingunerisaanik.

Taamatuttaa aamma akitsuutinik naatsorsuineq akiliinerlu umiarsuaatileqatigiiffinnut aammalu nunanut allanut nioqqutissiortunut allaffissornermik kinguneqartussaavoq.

### **5. Avatangiisinut, pinngortitamut inuillu peqqissusiannut sunniutissai**

Siunnersuutip avatangiisinut aamma/imaluunniit pinngortitamut sunniuteqangaarnissaa naatsorsuutigineqanngilaq.

Aamma siunnersuutip inuit peqqissusiannut sunniuteqarnissaa naatsorsuutigineqanngilaq.

### **6. Innuttaasunut sunniutissai**

Angallatini pineqartuni inuttat aalisarnermi pisat naapertorlugit akissarsisinnegartarpat, akit-suut inuttat akissarsiaannit tamarmiusunit ilanngaatigineqassappat inuttat akissarsiamikkut tamanna malugissavaat.

Siunnersuutip innuttaasunut allaffissornikkut sunniuteqarnissaa naatsorsuutigineqanngilaq.

## **7. Sunniutissai pingaarutillit allat**

Inatsisissatut siunnersuutip pingaarutilinnik allanik sunniuteqarnissaa naatsorsuutigineqanngilaq.

## **8. Oqartussaasunik kattuffinnillu il.il. tusarniaaneq**

Inatsisissatut siunnersuut piffissami x. januar 2016-imiit x. februar 2016-imut ukununnga tusarniaassutigineqarpoq:

KANUKOKA, Sulisitsisut (GE), NUSUKA, S.I.K., KNAPK, Aalisarnermut, Piniarnermut Nunalerinermullu Naalakkersuisoqarfik aamma Inuussutissarsiornermut, Suliffeqarnermut Niuernermullu Naalakkersuisoqarfik.

Inatsisissatut siunnersuut aammattaq tusarniaavimmi ugguuna tamanut saqqummiunneqarpoq [www.naalakkersuisut.gl](http://www.naalakkersuisut.gl).

Oqaaseqaatit tiguneqartut ataani nalinginnaasumik allanneqarput, Naalakkersuisut akissutaat *uingasumik* allanneqartut.

GE oqaaseqaammini oqaatigivaa, GE isumaqartoq, tusarniaanermut oqaaseqaateqarnissamut piffissaliussap sivikippallaarnera, oqaaseqaatissap suliarilluaagaanissa anguniarlugu suleqatit arlallit ilaatittaaqariaqartarneri pissutigalugu tulluartuunngitsaq. Taammamat GE-p Naalakkaersuisut kajumissaapai, oqaaseqaateqartusat piffissamik naammaginartumik periarfissinneqartarnissaat ataqpeqquullugu.

*Oqaaseqaateqarnissamut piffissarititaaq aalajangiunneqarpoq. Inatsisissatut siunnersuutip 2016-imi upernaakkut ataatiinissamut piareersimanissaa eqqarsaatigalugu.*

*Oqaaseqaateqarnissamut siviisunerusumik piffissaliisoqannginnera, Naalakkersuisut annertuummik ajuusaarutigivaat.*

GE-p erseqqissarpaa, rajanik aalisakkinillu taamatullu assersuutigalugu misileraalluni avaleraasartoorniarnissamut pisassissutisanik angissusiliisarnerit ukiuni kingullerni allanngortinneqarnerisa, alisariatsinik tunissioriaatsillu annertuumik naleqqussaasoaqarnissamik kingorneqartitsisimanerat, tamatumallu annertuumik aningaasaliissuteqarnermik tuniniaasarnermillu naleqqussaasarianermik kingunerisimalluni. Nunat allat nunallu tamat oqartussaaffiini aalisarsinnaanerit naleqqussariaplassinnaanermik annertuumik piumasaqaammik malitseqarnera GE-p ilanngullugu oqaatigivaa. Taammammut akitsuutinik nutaanik pilersitsinissamik piffisaq taamak sivikitsigisoq piffassaliullugu

ilisimatitsineq, aalisarnermi peqqissaarusaamik pilersaarusiornisaq eqqarsaatigalugu nalequtuunngitsoq GE isumaqarpoq.

*Naalackersuisut, aalissakkat akitsuutaanik 2016-imi qaffaanissamik siunnersuummik saqqummiussinissartik 2015-imi ukiakkut ilimasaarutigivaat. Inatsisissatut siunnersuut ilimasaarisimanerup kingunerisaatut naatsorsuutaariaqarpoq. Alisarnermi akitsuusersuinerup annertusineqaqqinnissaanik, Naalackersuisut maannakkut pilersaaruteqaanngillat, suliarli ataatsimoorussamik alisarnermi akitsuusissarnerissamik kinguneqartussaq aallartissimallugu.*

GE-p ilanngullugu oqaatigivaa, nutaamik akitsuusinerit kingumut immikkoorissumik aalisarnermullu politikkimit immikkoortilugit eqqunneqartut. GE-p pissutinik naleqquttumik akitsuusersuineq akuerivaa, akitsuutilli nutaat alissarnermut politikkimi anguniakkunut ilaatinngit eqqunneqartut, inuivaqatigiit aningaasalersugaanermikkut alisarnermi ataatsimut aningaasaliissutinit annertunerpaamik isertitaqarsinnaanerannik annikilliissuusut. Pisuussutinilli akitsuut akileraarutaannangortoq, aalisariutaallit inuiaqatigillu aningaasaqarniarnerat eqqarsaatiginagu, Landskarsip maannakkorpiaq amigaartoorutaanik matussutissatut atorineqartussat GE isumaqarpoq. Taamaammat GE nutaamik akitsuutissatut siunnersuummut annertuumik isumaqataanngilaq. Aalisariutaatilli tunisaasiortullu qanittumik oqaloqatigeernerisa kingorna, nutaamik akitsuuserilersarneq eqqunneqassasoq, Ge-p taarsiullugu siunnersuutigivaa, taamaalilluni kingunerisinnaasai periarfissanik allanik peqqissaarussamik qulaajaanissamut piffissaqartoqassammat.

*Aalisariutaatillit ukiumut nalunaarusiarisartagaat tunngavigalugit, aalisariutaatillit tunisaasiortullu aningaasaqarnikkut ima inissisimasut pisuussutinik atuinermit akitsuutit ilassutaanik inatsisissanik siunnersuuteqarnerup ersisitaanik nammassinnasut, Naalackersuisut naliliipput. Siunissami aalisannik akitsuuseriaseq pillugu aalisarnermik inuussutissarsiuteqartut oqaloqatigineqarnissaat, Naalackersuisut isumaqataaaffigivaat. Aalisarnermik inuussutissarsiuteqartut siunissami aalisakkanik akitsuusiinernut inatsisiliornerup nalinginnaasup suliarineqarneranut peqataa-tinneqaassapput.*

Aningaasaliissuteqarusunnermit nalinginnaasumik pingaaruteqartuusoq, inuussutissarisummik ineriartortitsinissamut alajaatumik sinaakkutaqarnissaq pisariaqarluinnartoq, GE-p ilanngullugu oqaatigivaa. Akitsuutit nutaat akitsuutinillu qaffaanerit tamakku amerlasuut, aningaasaqarniarnikkut Kalaallit Nunaanni aningaasaliirusunnermik nalornilersitsipput. Taamaammat inuussutissarsiummik ingerlataqartut pitsaanerusimik oqloqatigineqarnissaat. GE- p kajumiissaarutigivaa.

*Saarullit, kullerit, saarulliusaat, suluppaakkallu akitsuusersulernerisa kingorna aamma aningaasarqarnikkut naammattumik kalaallit nunaanni alisarnermut aningaasaleerussuseqarnissamut pissutissaqassasoq, Naalackersuisut naliliipput.*

Siunnersuuteqarnikkut akitsussinnisaamut tunngaviusut saarullinnik kullerinek saarulliusaanik sulupaakkanillu ilaneqarput. Aalisaakkanik taaneqartunik akitsuusinerup, akit appassisueneri imaluunnit akinik appararfiusimasueneri pissutigalugit, aalisariutaatillit aningaasaqarniarnerannik eqquinerluissasut GE isumaqarpoq. Kalaallit Nunaanni aalisariutaatillit naunanit allanit



aalisagartassiisuutit pillugit isumaqatigiiniartarnerni ajornerusumik inissisimalernissaannik sanngiinnerulernissaallu akitsuusinerit kingunerisinaagaat, taamaasillunilu kalaallit nunaanni aalisaariutaalik ajornartoriustunik pilersitsinnaasut GE-p tikkuarpaa.

*Naalackersuisuit alisarnikkut ineriartorneq akitsuusiinerullu malitsigisai malinnaaffigeqqissaarniarpai, tassungalu atatillugu akitsuutit angissusilerneqarnerisa allanngortinneqarnissaanik pissutissaqarnerisq naliliiffigisassallugu.*

Aalisakkanik ikerinnarsiortunik qaffasippallaatumik akitsuusiineq pissutigalugu siusinnerusukkut tusarniarnermut isumaqataaanginertik GE-p tikkuarpaa, tamatuma kalaallit aalisariutaatillit aningaasaqarniarnerisigut pisinnaasaatigullu unammilligaassiimmat. Alisarnermorpiaq aningaasiliisarneq aningaasaqarniarnikkut sakkortoqisoq GE-p opqaatigivaa, taamamallu nunaqavissunik sulisoqarnissaq anguniarlugu ilianniartitaarnerup qaffassarneqarnissaa immikkut pisariarqartoq. Aalisariutaatillinut ajorsisassaannigsumik aningaasarsiortoqarsinnaagaluartoq aamma taamaattoq aningaasaliinermi aningaasaqarniannikkut annartuumik unammisasaqarpoq.

GE-p oqaatigivaa, aalisakkanik ikerinnarsiortunik iluarnaaruteqarsinnaneq, politikku siunertaasimasutut inatsisisatut siunnersuutip isersersikkaa, maluginiaqqullugulu akitsuusersuineq aamma nunat tamat oqartussaaffigisaani aalisarnermi ilanngunneqarnera, aningaasaliineq eqqarsaatigalugu navianartorsiornermik minnerulersittinngitsoq, akerlianillu psioqartoq.

*Saarullit, kullerit, saarulliusaat, suluppaakkallu akitsuusersulernerisa kingorna aamma aningaasarqarnikkut naammattumik kalaallit nunaanni alisarnermut aningaasaleerussuseqarnissamut pissutissaqassasoq, Naalackersuisut naliliipput.*

GE-p oqaatigivaa, Kalaallit Nunaat nuna aalisarfiusutut aalisarfisarnissamut nutaamik aningaasaliinissamut inissaqatitsisariaqartoq, siunissami aalisaakkanik allanik aalisarnermik annertusitilluni, Piarfissat ilangaat aalisaaknik ikerinnarsiortunik aalisarneq, suliffissanik amerlanerusunik pilersitsiffiusinnasumik, akileraaruserigassanillu amerlitsiffiusumik.

GE isumaqarpoq, pissutunik atuineri akitsuusiinernik eqqusinnginnermi eqqarsaatigineqartariaqartoq, aalisakkanik killimmik pigineqartumik aalisarneq misileraallunilu aalisakkanik nutaanik aalisarneq qanoq pitsaasumik pilersaarusiorneqarsinnaanersoq, akitsuusiinerit nutaamik aningaasaliissutinut akornutaasanngippata.

*Siunissami aalisannik akitsuuseriaseq pillugu aalisarnermik inuussutissarsiuteqartut oqaloqatigineqarnissaat, Naalackersuisut isumaqataaaffigivaat. Aalisarnermik inuussutissarsiuteqartut siunissami aalisakkanik akitsuusiinernut inatsisiliornerup nalinginnaasup suliarineqarneranut peqataatinneqaassapput.*

Inuaqatigiinnit ataatsimut pigisaat inuaqatigiinnit tamarmiusunit iluaqutigineqarnissaat GE-p paasilluarsinnaavaa. Taamaakkaluartoq GE-p tikkuarpaa, maannakkut siunnersuutigineqartup suliarineqarnera alisarnermut politikkip oqaluuserineqarneranut peqatigitillugu ingerlanneqaassasoq taamatullu Aalisarnermut Pianiarmut Nunalerinermullu Naalackersuisoqarfiup suliniummik aallartitaanut ilanngullugu suliarineqassasoq.

GE-p oqaatigivaa, akitsuusiinermik taamatut periuseq aalisarnermit aningaasanik aallernerusoq, aalisarnermut politikkimik suliaqarnerup sinneranut attumaasuteqanngitsoq. Aalisarnermut politikki, alisaarneq pillugu, aammalu akileraartarnermut/akitsuusisarnermullu inatsisinik assigiinngitsunik ataatigiissutilik GE-p ujartorpaa.

*Inatsisissatut siunnersuutigineqartup aalisarnermullu politikkasap maannakkut oqaluuserineqarnerluni ingerlanneqartup akornanni immikkoorutininik, Naalakkersuisut takussutissaqanngillat.*

Nunani Avannarlerni aalisarnermut akileraarutit pillugit 2015-imi ataatsimiinermi eqartorneqartutut akitsuuseriaaseq tapersorsorneqarlunilu oqamaaqatigiissaagaanissaa, GE-p nagga-tissiissutitut tikkuarpaa. GE-p tassunga atatillugu oqaatigivaa, kalaallit nunat allat oqartuusaaffigisaanni aalisarnerannit akitsuusiinerit aallaavigerpiarlugit qanoq kinguneqartitsinnaarininik naatsorsuisoqarsimanngitsoq, akitsuutinillu aalajangiineq aalisarnermut politikkisamut oqaluuserinninermut maannakkut ingerlanneqartumik attumassuteqanngitsoq, tamannalu GE-p akersaarsinnanngilaa, GE-llu taamatut suliariaaseqarneq ukiuni siuliini, ukiumilu kingul-lermi inatsisip allanngortinneqarneranut atatillugu isornartorsiorsimallugu. GE isumaqarpoq, inatsisissatut siunnersuut siunissaq ungasinnersusoq eqqarsaatigalugu Kaalallit Nunaanni inuaqatigiit aningaasaqarneranut iluaqutaasussamik nutammik aalisalernissamut ineriartortitsinissamut akornutaaratarsinnassoq. Taamaammat pisuussutinik isumalluutinik atuiner- mut akitsuutinik ataatsimoorussamik ineriartortitsinissamik suliap, Namminersorlutik Oqartussanit aallaartineqartup 2017-imi martsimi naammassineqartussatut naatsorsuutigineqartup utaqqine- qarnissaa GE-p siunnersuutigivaa.

*Taaneqareersutut Naalakkersuisut aalisakkanik akitsuutit qaffanneqarnissaanik 2016-imi siunnersuuteqarniarnissartik 2015-imi ukiakkut ilimasaarutigivaat. Inatsisissamut siunnersuut ilimasaarisimanerup kingunerisaatut isigineqassaaq. Inatsisissatut siunnersuutigineqartup aalisarnermullu politikkasap maannakkut oqaluuserineqarnerluni ingerlanneqartup akornanni immikkoorutininik, Naalakkersuisut aamma takussutissaqanngillat. aalisariutaatillit tunisiasiortullu aningaasaqarnikkut ima inissisimasut isumalluutinik atuiner- mut akitsuutit ilassutaanik inatsisissanik siunnersuuteqarnerup ersisitaanik nammassinnasut, Naalakkersuisut aammattaaq naliliipput.*

S.I.K-p tusarniaanermut akissutimini oqaatigivaa, pisuussutit ataatsimut pigisat, aatsitaassat, pisuussutillu umaasusillit akitsuuserneqarneri pissusissamisoortuusoq, akitsuusernerup atuutsilerneqarnera sulisartut ulluinnarni nalingiinnaasumik atugaannik pitsannguutilimmik kinguneqartitsissappat. Tassunga atatillugu S.I.K-p oqaatigivaa, aalisakkat akiissa qaaffanneri ullumikkut sulisartut pissarsiannit takussutissaqanngitsoq.

S.I.K-p akitsuutit angissusilerneqarnerat oqaaseqarfigerusunngilaa.

*Nunami tunisassiorfinni sulisut anertunerusumik isertitaqalernissaanik siunnersuut kinguneqassasoq ilimagineqanngilaq.*

Aalisarnermut Piniarnermut Nunalerinermullu Naalakkersuisoqarfiup tusarniaanermut akissuteqarnermini oqaatigivaa, kalallit alisarnerinit aalisakkat akitssuusikkat amerlineqarnerinik inatsisissatut siunnersuut nassataqassasoq. Naalakkersuisoqarfiup oqaatigivaa, akitsuuseriaatsit rajaniarnermi, alisakkanik ikerinnarsiortunik aalisarnermi aammalu qaleralinniarnermi ullumikkut atuuttut annertuumik assigiinngissuteqartut, taamaammallu assigiinngitsumik tunngaveqarluni suliarineqartartut, taamaammat Naalakkersuisoqarfiup naliliinera malillugu alisarnermi assigiissumik akitsuuseeriatsimik pisariaqartitsisoqarpoq.

Naalakkersuisoqarfiup taamaammat alisarnermi assigiimmik akitsuuseriatimik suliaqarnerup ingerlateqinnissaa tapersorsorpaa.

Aalisarnermut Piniarnermut Nunalerinermullu Naalakkersuisoqarfiup ilanngullugu oqaatigivaa, aningaasaqarnermut inatsimmi isertitat taamak amerlatigisut alisarnermi akitsuutinerner annertuumik immikkullu ittumik naviaanaateqartoq. Naalakkersuisoqarfiup oqaatigivaa, ukiuni kingullerni pingasuni Kalaallit Nunaata kitaani raajataassanik angissusiliinnissamut siunnersuutigineqartartut assut nikerarsimanagerat, aammalu aalisakkanik ikerinnarsiortunik alisarnermi avaleraasartuunik ammassaasuarnillu immami kalillinik oqartussaaffigineqartumi pisarineqartut taamattaq ukiuni kingullerni assut nikerarsimasut. Peqitigissullugu aalisakkat ingerlaanerisa allanngortarneri, pisarineqarsinnaasut amerlassusaat, nerisaqarniarnerisalu allanngoraneri il.il. pisarineqartut ikileriartaarnerinik kinguneqartarsinnanerata, isertitassagaluit amerlassut isertinngitsoorsinnaaneqartarput.

*Aalisarneq nunap inuutissarsiutaannut annernut ilaavoq, taammaatumillu nunap aningaasalersorneqarneranut nalinginnaasumik annertuumik sunniuteqarluni. Tamaallunilu piffissani pit-saasuni piffissanilu anikkinnerusumik pitsaasuni. Tamaatullu illuni pissutinit atuinnermit akit-suuteqarpat imaluunnit naamik, Inuussutissarsiutit nutaat soorlu aatsitaassarsiornermik ingerlassallit ineriartortinneqarnerisigut. Kalaallit Nunaata aningaasaqarniarnerata navianartorsiuleriataarsinnaaneraniq millisaanissaq, Naalakkersuisunit anguniangaavoq.*

Inuussutissarsiornermut, Suliffeqarnermut Niuernermullu Naalakkersuisoqarfik inatsissatut siunnersuummut oqaaseqaateqanngilaq.

## Aalajangersakkanut ataasiakkaanut oqaaseqaatit

### § 1-imut

#### *Nr. 1-imut*

Inatsisimmi pineqartut saarullinnik, kullerinik, saarulliusaanik aamma suluppaakkanik ilaneqarnerisa kingunerisaanik inatsisip taaguutaata allanngortinneqarnera aalajangersakkami pineqarpoq.

#### *Nr. 2-mut (§ 1, imm. 1)*

Siunnersuutaavoq inatsisip atuuffia ilaneqassasoq, suliffeqarfiit inuillu, aalisakkat inatsimmi pineqareersut saniatigut saarullinnik, kullerinik, saarulliusaanik aamma suluppaakkanik aalisarnissamut pisassinneqarsimasut pineqartunut ilaalersillugit.

Aamma aalisakkanik ikerinnarsiortunik aalisarnermi akitsuutip ammassassuarnik, ammassanik avaleraasartuunillu aalisarnermut atuuffia Tunumi aalisarnerinnarmut atuukkunnaarluni, aammali nunat allat aalisarnikkut oqartussaaffigisaanni nunallu tamat imartaanni aalisarnermut atuuttussanngortinneqassaaq.

Suliffeqarfiit aamma inuit sinerissamut qanittumi avataasiorlunilu qaleralinniarnissamut pisassinneqarsimasut maannamutuut pineqartunut ilaapput.

#### *Nr. 3-mut*

Aalajangersakkami erseqqissarneqarpoq pisarineqartut tassaasut pisat allattorsimaffiini allasimasut, tassa aalisakkat uumatillutik oqimaassusiat kiilunngorlugu naatsorsugaq. Oqimaassusiat assigiimmik naatsorsorneqartassaaq, apeqqutaatinnagu aalisakkat kalaallit nunalluunniit allamiut angallataataat atorlugit pisarineqarsimanersut, aamma apeqqutaatinnagu aalisakkat nunatta nunalluunniit allat imartaanni pisarineqarsimanersut.

Angallatit ilaat RSW-nik imaluunniit CSW-nik tankeqarput, tassa imaappoq tankit aalisagaa-siviit immikkoortut, aalisakkat nunamut tulaanneqannginneranni nillartaartinneqarfigisaat. Tankit imarnik sikunik akusamik aamma/imaluunniit nillartaartitsissut mekaniskiusoq atorlugu nillartaartinneqartumik imaqarput. Taamaattoqartillugu pisat ilaannut tankiniitinneqartunut tunngatillugu imaappoq, pisanik naatsorsuineq tulaassinnermut uppersaatit, matumani aamma tunisinermi allagartat oqimaalutaanermiluunniit allagartat tunngavigalugit pisluni. Pisat sinneriunnagaasa oqimaassusiat pisanut allattuivimmi nalunaarsorneqarsimasoq tunngavigalugu naatsorsorneqassaaq.

#### *Nr. 4-mut (qulequtaq)*

Inatsisip aalisakkat ikerinnarsiortut ilaannut Tunumi aalisarnermi pisarineqartunuinnaq atuukkunnaarluni, aammali nunat allat aalisarnikkut oqartussaaffigisaanni nunallu tamat imartaanni

aalisarnermut atuuttussanngortinneqarnerata kingunerisaanik inatsimmi qulequttamik allannguneq aalajangersakkami pineqarpoq.

*Nr. 5-imut (§ 3a, imm. 1)*

Aalisakkat ikerinnarsiortut ilaasa akitsuutaat pillugu aalajangersagaq atuuttoq aalisakkanut Tunumi pisarineqartunuinnaq atuukkunnaarluni, aammali nunat allat aalisarnikkut oqartussaaffigisaanni pisarineqartunut atuutilersussaq siunnersuutikkut nutarterneqarlunilu allanngortinneqarpoq.

Akitsuutit angissusii maannakkut atuuttut aalajangiusimaneqarput.

*Nr. 6-imut (qulequtaq)*

Inatsimmi pineqartut saarullinnik, kulleridik, saarulliusaanik suluppaakkanillu ilaneqarnerisa kingunerisaanik inatsimmi qulequttamik ilanngussineq aalajangersakkami pineqarpoq.

*Nr. 7-imut (§ 3 c)*

Siunnersuutaavoq saarullit, kullerit, saarulliusaat aamma suluppaakkat isumalluutininik atuinermi akiliummik akitsuusersorneqalissasut.

Akitsuutip kiilumut 0,55 kr.-inik angissusilerneqarnissaa siunnersuutaavoq.

Akitsuutip naatsorsornerani saarullit, suluppaakkat, kullerit saarulliusaallu pisarineqartut taamaasa ilanngunneqassapput, pisassiissutit nalinginnaasuunersut, nunat allat kalaallit umiarsuaatileqatigiiffiinut pisassiissutigineraat nunallu tamat imartaanni pisassiissutaanersut, misile-raalluni aalisarnermi pisassiissutaanersut pisisuugaanersulluunniit apeqqutaatinnagu. Pisat ilaat nunamut tulaanneqartussaataitaasunut, tisaneqartussaataitaasunut allatulluunniit suliareqqaagassaataitaasunut ilaasut aamma akitsuusigassaapput.

Akitsuut suliffeqarfiit aamma inuit nunatsinnit pisassiissutinik aalisartut akiligassaraat, angallat aalisarnermi atorneqartoq sumi angerlarsimaffeqarnerisig apeqqutaatinnagu.

*Nr. 8-mut (§ 4, imm. 1 -2)*

Akitsuutip akilerneqartarnera pillugu aalajangersagaq atuuttoq siunnersuutip kingunerisaanik allanngortinneqarpoq.

*Nr. 9-mut (§ 8, imm. 1)*

Inatsimmik unioqqutitsisoqartillugu pineqaatissiisarneq pillugu aalajangersagaq atuuttoq siunnersuutip kingunerisaanik allanngortinneqarpoq. Taamaalilluni inatsimmi § 3 c-mik unioqqutitsinerup pineqaatissiissutaasinnaanera ilanngunneqarpoq.

*§ 2-mut*

Inatsisartut inatsisaata 1. januar 2017-imi atortuulernissaa siunnersuutaavoq.